

## **BANK ISLAM TERBIT TRANCHE KETUJUH SUKUK MURABAHAH BERNILAI RM250 JUTA**

*Terbitan di bawah Program Sukuk Murabahah Bank bernilai RM10.0 bilion*

**KUALA LUMPUR, Isnin, [24 Mac 2025]:** Bank Islam Malaysia Berhad (Bank Islam) hari ini berjaya menerbitkan tranche ketujuh Sukuk Murabahah Subordinat (Sukuk Murabahah) bernilai RM250.0 juta di bawah Program Sukuk Murabahah RM10.0 bilion Bank.

Sukuk Murabahah tersebut layak sebagai modal kawal selia Aras 2 Bank Islam, mematuhi Rangka Kerja Kecukupan Modal (Komponen Modal) bagi Institusi Perbankan Islam oleh Bank Negara Malaysia (BNM). Ia akan meningkatkan kecukupan modal Bank ini agar selaras dengan keperluan Basel III.

Sukuk Murabahah tersebut, yang boleh ditebus pada nilai nominal penuh setelah tempoh matang, didatangkan dengan opsyen beli pada ulang tahun kelimanya dan menerima penarafan A1/Stabil oleh RAM Rating Services Berhad.

Bank Islam adalah Penasihat Utama, Pengatur Utama, Ketua Pengurus dan Penasihat Syariah bagi Program Sukuk Murabahah tersebut.

---

### **Mengenai Bank Islam Malaysia Berhad**

Bank Islam adalah institusi perbankan Islam pertama di Malaysia yang disenaraikan di Papan Utama, Bursa Malaysia Berhad. Ditubuhkan pada bulan Julai 1983, Bank Islam mempunyai 135 cawangan dan lebih 900 terminal layan diri di seluruh negara. Sebagai institusi perbankan Islam lengkap dan tulen, Bank Islam menyediakan penyelesaian perbankan runcit dan kewangan korporat yang mematuhi undang-undang dan prinsip Syariah dengan ketat. Bank Islam komited terhadap kemakmuran lestari dan nilai-nilai ESG dan merupakan peserta rasmi Rangkaian Kompak Global Pertubuhan Bangsa-Bangsa Bersatu Malaysia dan Brunei. Anak-anak syarikat utama Kumpulan Bank Islam, BIMB Investment dan BIMB Securities menawarkan pelbagai perkhidmatan kewangan Islam, termasuk pelaburan dan pembrokeran saham. Untuk maklumat lanjut mengenai produk dan perkhidmatan kumpulan Bank Islam, layari [www.bankislam.com](http://www.bankislam.com).

Sila e-mel ke Hubungan Media Kumpulan Bank Islam di [media@bankislam.com.my](mailto:media@bankislam.com.my) untuk mendapatkan maklumat tambahan.